

лукініла стильти белгидирниличи, лугъатуначила имцјали тлінтіти баянти дурчниличи дурхінала пикри битіакіні кјулайсилизи халбирули саби.

Ишди программабани халаси пикри бяхічиули саби практический хіянчурбачи, чузирра вархъли лукініла, гъайикініла, багълабирнила ишараби кадалтніла масъулти имцјали мурхъли ва гъатіра чедетаахъили ирзути.

Программабала гъарил тема кјел бутіализибад цалабикибси саби. Цаибил бутіализиб чебаахъили саби, делчунтира цазаманализир тикрардирули, теориялашалти багъудлуми мурхъдарес ва тлінтідарес. Кіибибл бутіализиб практикалашалти устадеш чеахъдикіахъес ибси масъала тіашбалтули саби.

Чидни-биалра темаби кјуяндулхъули диалли тикрардирнилис чедаахъибти сягјатуни учительлис кјуяндулхъути темабас яра белкіла хіянчурбас пайдаладарес вирар.

Тяп илкъяйда учительла ихтиярлизир далтути сари 11 ибил класслизирра тикрардирнилис чедаахъибти сягјатуни.

Учительлизиб ихтияр лебси саби бучіантани ца тема гъамадли иргъули биалли, илис чедаахъибти сягјатуни камдарили, цархілти имцјали кјуяндулхъути темабас харждарес.

Белчјудила план хіясибли, дарган мезлис ва литературалис чедаахъибти сягјатуни ишкъяйда дуртју :

Классуни	Жумяглизир сягјатуни	Дарган мезлис	Литературалис
5	4	2	2
6	4	2	2
7	4	2	2
8	4	2	2
9	4	2	2
10	3	1	2
11	3	1	2

Ишди программаби бегі гъалар дурадухъунтири 1992 ибил дуслизир. Кам-гъамти дарсдешуначил гъанна сагадан (хіяйнайс) кадахъибти сари.